

Maleruagassat atuuttut aqputigalugit aalisarnerup aqutsivigineqarnerata allannortinneratigut Upernaviup aqutsiveqarfiani qaleralittassiissutit tamakkerlugit aalisarneqarsinnaanissaannik UKA 2019 sioqqullugu qulakkeerinneqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Aqqaluaq B. Egede, Inuit Ataqtigiit)

Akissuteqaat

(Aalisarnermut, Piniarnermut Nunalerinermullu Naalakkersuisoq)

Siullermeerneqarnera

Maleruagassat atuuttut aqputigalugit aalisarnerup aqutsivigineqarnerata allannortinneratigut Upernaviup aqutsiveqarfiani qaleralittassiissutit tamakkerlugit aalisarneqarsinnaanissaannik UKA 2019 sioqqullugu qulakkeerinneqqullugit Naalakkersuisut peqquneqarnissaannik Inatsisartut aalajangiiffigisassaannik Aqqaluaq B. Egedep, Inuit Ataqtigiit, siunnersuuteqarneranik Naalakkersuisut qutsavigaat.

Ukiuni pineqartuni pisassiissutit tamakkerlugit pisarineqartarnissaat inuiaqtigiit tamarmik soqtigisaraat. Tamanna pissusissamisoorpoq. Pisassiissutit tamakkerlugit pisarineqanngippata taamatulli tamanut naliginnaasumik akisussaaffiusariaqarpoq aperissalluni sooq tamanna pinersooq paasissallugu.

Naalakkersuisut maluginiarsimavaat aqutsiveqarfimmi Upernavimmi qaleralittassiissutit ukiuni kingullerni ukiup naanerani tamakkerlugit pisarineqarneq ajortut. Taamaammat Aalisarnermut, Piniarnermut Nunalerinermullu Naalakkersuisoqarfik tamassuminnga misissueqqissaartussamik suleqatigiissitaliamik pilersitsinikuuvoq. Suleqatigiissitaliap taassuma misissueqqissaarneq maannakkut ingerlappaa, sulinerimullu tassunga ilanngullugu nassuiaammik saqqummiissalluni. Pisassiissutinik atuineq eqqarsaatigalugu, Naalakkersuisut ilisimatitsissutigissavaat Aalisarneq pillugu Ataatsimiititaliarsuup pisassiissutinik atuinerimik suliaqarneq aamma allartinnikuugaa, tassa Aalisarneq pillugu Ataatsimiititaliarsuup sulineranut tunngavissiami una ilanngunneqarnikummat:

”Ataatsimiititaliarsuaq angallatinut pisassiissutit tamaasa pisarineqarsinnaanngortillugit tamannalu aqputigalugu aningaasatigut pissarsiat annertusarlugit, pisassiissutit - killiliussatut sukumiinerusut aalajangersakkat iluanni – pisariaqartumik eqaatsumik niuersinnaanerisa qulakkeerneqarnissaanut siunnersuusiussaaq. Qaleralinniarneq eqqarsaatigalugu, matumani umiatsiaaqqat 6 meterimik naannerusut ilanngullugit, Aalisarnermut, Piniarnermut Nunalerinermullu Naalakkersuisoqarfik suleqatigiissitaliornikuuvoq, ilaatigut pisassiissutinik pitsaanerpaamik atuinissaq pillugu inassuteqaammik saqqummiussisussamik. Suleqatigiissitamit inassuteqaat ataatsimiititaliarsuup nalilersussavaa tamannalu pillugu innersuussummik

saqqummiussissalluni. Pisassiissutaasartut atorluarneqartarnerat qulakkeerniarlugu ataatsimiititaliarsuup aalisakkat sorliit pisassarineqartassanersut pillugit suut piginnaatitaaffigineqarnissaanik najoqqutassanik siunnersuusiussaaq, akuersissutuliisarnermik maleruagassat mianeralugit.

Taamaalilluni pisassiissutit tamarmik atorneqarnissaasa qulakkeerneqarnissaanut suliniutit aallartinneqareerput. Pilersaarutaavoq Aalisarneq pillugu Ataatsimiititaliarsuaq isumaliutissiissummik junimi 2020 saqqummiussissasoq, suliniutillu UKA2020-mi saqqummiunneqassasut.

Naalakkersuisut oqaatigissavaat maannakkorpiaq annikitsumik atuinermut pissutaasinnaasut ilaatigut aqutsisoqarfiup sumiiffinnut pingasunut agguarneqarnikuunera peqquataasinnaasoq: Sumiiffik pisassiiffiusumik aalisarfiusoq, sumiiffiullu taassuma avannaata kujataatalu tungaanni aalisarfinnik pisassiiffiunngitsunik taaneqartartuni killeqanngitsumik aalisartoqarsinnaalluni. Taamaalilluni taamaallaat sumiiffinni pisassiiviusuni pisassiissutinik atuinermi pisat pisaasut pillugit naatsorsuinermi ilanngunneqartarput. Pisat tamaasa ilanngukkaanni, pisassiissutinik atuneq qaffasinnerussaaq. Naalakkersuisut taamaammatt sumiiffiit pisassiiviunngitsut allanngortinneqarnissaannik ataatsimut isigalugu isumaliutersuuteqarput.

Piffissamut sivikitsumut suliniutaasinnaasut eqqarsaatigalugit Naalakkersuisut ilisimatitsisutigissavaat qaleralinniarnermi qassutinik atuneq kommunit malittarisassiatigut killilersorneqartoq. Kommuni aalajangiinikuuvoq qassutit aqutsiveqarfinni Upernavimmi, Ummannami aamma Qeqertarsuup Tunuani sumiiffinni aalajangersimasuni piffissani januarip aallaqqaataanit aprilip naanissaata tungaanut kiisalu novembarip aallaqqaataanit ukiup naanissaanut qassutit atorneqarsinnaasut. Tamanna allanngortinneqarusussappat kommuni nammineq suliniuteqassaaq.

Umiarsuit tunitsiviit eqqarsaatigalugit, Naalakkersuisut umiarsuarnut qaleralinnik tunitsiviususanut 2017-imi akuersissutinik pingasunik 2018-imilu akuersissutinik marlunnik tunniussinikuupput, ukioq mannaluk akuersissuteqartoqarnissaanik qinnuteqaatit maannakkut suliarineqarput. Aamma ilisimatitsisutigineqassaaq, Upernavimmi qaleralinnut saattuanullu nutaamik tunisassiorfiliornissamik qinnuteqaat Naalakkersuisut suliarigaat.

Naalakkersuisut taamaalillutik tunisisinnaanermut periarfissat pisassiissutillu atorneqarsinnaasut tamaasa atorneqarnissaat qulakkeerniarlugit malittarisassat atuuttut iluanni suliniutaareersut taparserpaat.

Siunnersuuteqartoq tunngaviusumik Naalakkersuisut isumaqatigaat, isumaqarlutilli qaleralinniarnermi tunngaviusumik aqutsineq allanngortinneqartinnagu annertunerusumik

misissueqqissaartoqartariaqartoq, taamatuttaarlu Naalackersuisut Aalisarnej pillugu Ataatsimiititaliarsuup sulinera utaqqimaarusullugu.

Naalackersuisut taamatut oqaaseqarlutik allannguutissatut siunnersuut uuma akuerineqarnissaa inassuteqaatigaat:

Allannguutissatut siunnersuut: Maleruagassat atuuttut aqutigalugit aalisarnerup aqutsivigineqarnerata allangortinneratigut Upernaviup aqutsiveqarfiani qaleralittassiissutit tamakkerlugit aalisarnejarsinnaanissaannik UKA 2020 sioqqullugu qulakkeerinneqqullugit Naalackersuisut peqquneqarnissaannik Inatsisartut aalajangiiffigisassaattut siunnersuut.